



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

No 602-ՆԿ/2

«4» Մայիսի 2023 թ.

2023 ԹՎԱԿԱՆԻ 2-ՐԴ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանի 20-րդ կետի և 23-րդ կետի 2-րդ ենթակետի պահանջներով՝

ՀՐԱՄԱՅՈՒՄ ԵՄ

1. Հաստատել «2023 թվականի 2-րդ քննաշրջանի դրսեկության ձևով (էքստեռն) ավարտական քննությունների կազմակերպման և անցկացման աշխատակարգը և ժամանակացույցը՝ համաձայն N N 1 և 2 հավելվածների»:
2. «Գնահատման և թեստավորման կենտրոն» պետական ոչ առևտրային կազմակերպության տնօրենին առաջարկել 2023 թվականի 2-րդ քննաշրջանի համար դրսեկության ձևով (էքստեռն) ավարտական քննություններ անցկացնել «Երևանի թիվ 198 ավագ դպրոց» պետական ոչ առևտրային կազմակերպությունում:
3. Քննություններն անցկացնել 2023 թվականի հունիսի 5-ից մինչև հուլիսի 3-ը ներառյալ:
4. Հրամանի կատարման ապահովումը հանձնարարել նախարարության հանրակրթության վարչության պետին:
5. Հրամանի կատարման հսկողությունը վերապահել Կրթության, գիտության, մշակույթի և սպորտի նախարարի տեղակալ Արաքսիա Սվաջյանին:

5/3/2023

X

ԺԱՆՆԱ ԱՆԴՐԵԱՅԱՆ

Հավելված N1

Կրթության, գիտության, մշակույթի և սպորտի նախարարի
04.05.2023թ. N 602-Ա/2 հրամանի

ԱՇԽԱՏԱԿԱՐԳ

2023 ԹՎԱԿԱՆԻ 2-ՐԴ ՔՆՆԱՉՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՆՈՆ)

ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ

1. Հիմնական կրթության վկայական ստանալու համար դրսեկները 2023 թվականի 2-րդ քննաշրջանի ընթացքում «Հայոց լեզու», «Մաթեմատիկա», «Ֆիզիկա», «Քիմիա», «Կենսաբանություն», «Հայաստանի աշխարհագրություն», «Աշխարհագրություն», առարկաների քննությունները հանձնում են գրավոր:

1) Քննական թեստերը կազմում է «Գնահատման և թեստավորման կենտրոն» պետական ոչ առևտրային կազմակերպությունը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Համաշխարհային պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար), «Օտար լեզու» («Անգլերեն» , «Ֆրանսերեն», «Գերմաներեն», այլ լեզուներ՝ սովորողի ընտրությամբ), «Հայոց պատմություն», «Գրականություն», «Ռուսաց լեզու » առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են էքստեն թնություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից, գնահատման 10 բալային համակարգով:

2. Միջնակարգ կրթության ատեստատ ստանալու համար դրսեկները 2023 թվականի 2-րդ քննաշրջանի ընթացքում «Ֆիզիկա», «Քիմիա», «Կենսաբանություն», «Աշխարհա-

գրություն», «Հայոց պատմություն», «Մաթեմատիկա», «Հայոց լեզու և հայ գրականություն» առարկաների քննությունները հանձնում են գրավոր:

1) Քննական թեստերը կազմում է ԳԹԿ-ն՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) Օտար լեզու (անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ), «Ռուսաց լեզու», «Հայոց եկեղեցու պատմություն», «Համաշխարհային պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

3. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են համաձայն ժամանակացույցի:

4. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը, բանավոր քննություններին նախապատրաստվելիս կարող է կատարել գրավոր համառոտագրում:

Դրսեկության ձևով քննությունների արձանագրությունները և գրավոր աշխատանքները պահպանվում են Դպրոցում, ավարտական փաստաթղթերը ստանալուց հետո՝ մեկ տարի:

5. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկանները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի:

Բանավոր քննությունները գնահատվում են 10 բալային համակարգով և համարվում են տարեկան գնահատականներ:

6. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի՝

10-11 միավոր– 5

18-19 միավոր-9

12-13 միավոր– 6

20 միավոր-10

14-15 միավոր – 7

7. Դրսեկության ձևով (էքստեռն) ավարտական քննությունները կազմակերպելու և անցկացնելու գործընթացը վերահսկվում է Կրթության, գիտության, մշակույթի և սպորտի նախարարության կողմից:

Դրսեկության ձևով (էքստեռն) ավարտական քննությունները կազմակերպվում են Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանով հաստատված «Դրսեկության ձևով (էքստեռն) փոխադրական և ավարտական քննություններ կազմակերպելու» կարգի և սույն աշխատակարգի պահանջների համաձայն:

Հավելված N2

ՀՀ կրթության , գիտության, մշակույթի և սպորտի նախարարի
2023թ. N հրամանի

ԺԱՄԱՆԱԿԱՑՈՒՅՑ

**2023 ԹՎԱԿԱՆԻ 2-ՐԴ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ)
ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

1. ՀԻՄՆԱԿԱՆ ԿՐԹՈՒԹՅԱՆ ՎԿԱՅԱԿԱՆ ՍՏԱՆԱԼՈՒ ՀԱՄԱՐ

	Առարկա	քննության անցկացման եղանակը	քննությունների անցկացման օրերը
1	Հայոց լեզու	գրավոր	05.06.2023թ.
2	Ֆիզկուլտուրա	ստուգարք (նորմատիվների հանձնում)	06.06.2023թ.
3	Համաշխարհային պատմություն	բանավոր	09.06.2023թ.
4	Մաթեմատիկա	գրավոր	12.06.2023թ.
5	Գրականություն	բանավոր	13.06.2023թ.
6	Հայոց պատմություն	բանավոր	14.06.2023թ.
7	ՆԶՊ և անվտանգ կենսագործունեություն	բանավոր	15.06.2023թ.
8	Հասարակագիտություն	բանավոր	16.06.2023թ.
9	Ֆիզիկա	գրավոր	19.06.2023թ.

10	Քիմիա	գրավոր	20.06.2023թ.
11	Կենսաբանություն	գրավոր	22.06.2023թ.
12	Աշխարհագրություն	գրավոր	23.06.2023թ.
13	Օտար լեզու (անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ)	բանավոր	26.06.2023թ.
14	Հայոց եկեղեցու պատմություն	բանավոր	27.06.2023թ.
15	Ինֆորմատիկա	բանավոր	28.06.2023թ.
16	Ռուսաց լեզու	բանավոր	29.06.2023թ.
17	Ռուս գրականություն (ռուսերենով ուսուցում ստացած դրսեկների համար)	բանավոր	30.06.2022թ.
18	Հայաստանի աշխարհագրություն	գրավոր	03.07.2023թ.

*Քննությունների սկիզբը ժամը՝ 14:00-ին:

1. ՄԻՋՆԱԿԱՐԳ ԿՐԹՈՒԹՅԱՆ ԱՏԵՍԱՏ ՍՏԱՆԱԼՈՒ ՀԱՄԱՐ

	Առարկա	քննության անցկացման եղանակը	քննությունների անցկացման օրերը
1.	Ֆիզկուլտուրա	ստուգարք (նորմատիվների հանձնում)	06.06.2023թ.
2.	Հայոց լեզու և հայ գրականություն	գրավոր	07.06.2023թ.
3.	Համաշխարհային պատմություն	բանավոր	09.06.2023թ.
4.	Հայոց պատմություն	գրավոր	14.06.2023թ.
5.	ՆՁՊ և անվտանգ Կենսագործունեություն	բանավոր	15.06.2023թ.

6.	Հասարակագիտություն	բանավոր	16.06.2023թ.
7.	Ֆիզիկա	գրավոր	19.06.2023թ.
8.	Քիմիա	գրավոր	20.06.2023թ.
9.	Մաթեմատիկա	գրավոր	21.06.2023թ.
10.	Կենսաբանություն	գրավոր	22.06.2023թ.
11.	Աշխարհագրություն	գրավոր	23.06.2023թ.
12.	Օտար լեզու (անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ)	բանավոր	26.06.2023թ.
13.	Հայոց եկեղեցու պատմություն	բանավոր	27.06.2023թ.
14.	Ինֆորմատիկա	բանավոր	28.06.2023թ.
15.	Ռուսաց լեզու	բանավոր	29.06.2023թ.
16.	Ռուս գրականություն (ռուսերենով ուսուցում ստացած դրսեկների ամար)	բանավոր	30.06.2023թ.

*Քննությունների սկիզբը ժամը՝ 12:00-ին: